

Weitere Jugendfestsprüche 2025

Bögen

Sprüche geordnet nach Themen

Alles Trump, oder was?

Länzburg first? Natürli scho!
Au d Staufner händs vernoh –
Ab sofort gits e Zoll uf Ware,
Wo i euses Städtli fahre.

Staufe first? Chunnsch nümme is Will!
Mer mache de Great Länzburg-Deal.
Wer i d Badi wott so schnell –
PAY THE TARIFF – thank you, well!

S erschte Dekret
Vom neue Amme:
Die vo Staufe
Zu Strofzöll verdamme.

Statt Lady Gaga
Meh Länzburg-MAGA.
Strofzöll für Staufe:
Schuelrum chaufe!

D Amerikaner händ sech
Bi de Wahle trumpiert.

Beizelandschaft im Wandel

D Türe vom Viccolo falled zue ganz gschwind,
Aber Britts Café bringt wider früsche Wind.

Sone cooli Idee –
Sushi im Orchidee!

Buechstart-Morge statt KI

Statt KI zum Zmorge:
Buechstart-Morge!
OpenAI, chasch abfahre,
D Sandra zieht de Chare!

De Stadttrot vor de Wahle

Z Rixheim a de Sitzig
Diskutiert mer hitzig:
«Wer vo eus mues zahle
Bi de nächschte Wahle?»

De Mosima goht,
Chunnt jetzt e Frau?
Blibt er grünlech-rot,
Oder wird de Amme blau?

Andi oder Barbara –
Super, dass mer wähle cha!
Doch Zit wärs wüerkli au
Für en erschti Frau.

Länzburg verdient
E rächti Regierig.

Heilige Bimbam,
Habemus Papam.
D Wahl butzt mer de Chopf :
Wer ghört ächt i Topf?

Euse Stadttrot suecht sin Chopf –
Wele selli wähle, gopf!
Barbara oder Andi?
I go gschiter i d Landi.



De Stadttrot würd besser funktioniere,
Täte nume Fraue kandidiere.
Abgluegt hämmers bim Bezirksgricht:
Det sind nume Fraue i Sicht.

Exodus vo Undernäme

Bäumli pflanze isch scho rächt,
Doch denn Zügler ehner schlächt.
NIKIN, Aarau isch okee,
Doch Länzburg möchtdi wider gseh!

Nikin und Hero
Nämed de Blind
Defür gits Chrüter-Zältli
Für Erwachsni und Chind.

Hauptsach gsund

Gsundheit chamer nid chaufe:
Me muess ständig go laufe
Und sich gsund ernähre. –
Grafft, ihr Millionäre?

Eusi Gsellschaft isch chli chrank,
Mänge findt ne nid, de Rank.
D Chrankekasen sind chli blank,
Für d Boni säged d Scheffe Dank...

Kei neue Bahnhof i Sicht

Wenn verwacht de neu Bahnhof
Äntli usem Dornrösli-Schlof?
Isproche sei Dank
Macht er no kei Wank.

Boustart am Bahnhof –
Versproche Johr für Johr,
Aber bis jetzt bestoht
Kei Modernisierigsfohr.

Lieber Chugele als Chöpf

Holzchugele rolle d Bahn entlang,
Mit Sagezauber und Geischterklang.

Lieber Jugetfescht als ESC

De ESC hett e Makel:
Gsanglech isch er es Debakel.
Politik und Show zelle meh –
Allne Grand-Prix-Fan tuet das weh.

Lieber d Stadtmusig-Bänd
Made in Switserländ
Als de ESC mit Frau Tell. –
Jugetfescht chumm schnell!

Mini Finance sind am Ranze

Chauf z Länzburg es Hus –
S längt mer nid, oh Grus!
Aber die nätte Bänker-Affe
Säge nume i sell meh schaffe.

S stoht mer bis zum Hals –
Soscht vo Züri bis uf Vals:
Überal sinke d Strompreise,
Nur mini nid – i schieb d Krise.

Natur. Und mer?

Findsch Springchrut doof,
Tuesch d Goldruete hasse,
De chasch jetz bim Wärrchhof
Neophyt-Säckli fasse.

Wenn Geisse d Landschaft pflege,
De chamer spare gwaltig.
Drum tüend si jetz erwäge,
Lama izsetze i de Verwaltig.

Nüt los uf de Bahnhofstross

Wisse Rauch im Vatikan –
De Leo, dä sölls bringe.
Eusi Bahnhofstross – urban?
Nüt isch los, so chas nid glinge!

Raiffise statt Dancing Schlössli

Rite, rite, Rössli,
D Bank stoht bim Schlössli.
Fertig mit de Laschter,
Jetzt gohts ume Zaschter.

Rücksicht uf de Mühlibrugg

Mühlibrugg mit Fahrverbott
Findi e komplette Schrott.
Es klappt mit chli Rücksichtnahm –
Mer sind doch alli lieb und zahm.

Scheffwächsel mit Näbbegrüsch

Bi de Fürwehr isch Für im Dach.

Schnäggelauf uf em Teer

Wer z Länzburg es Auto länkt,
Hett Geduld – und Zit verschänkt.

Länzburg bout, de Stau regiert,
Wer do fahrt, isch härt blockiert.

De Bus jetz jedi
Halbstund fahrt
Im Schnäggelauf
Zum Müli-Mart.

Millione versänkt im Strossebett,
D Kasse leer – doch de Teer glänzt fett.

St. Florian z Niderlänz

Niderlänz stoht näb de Schue,
Macht d Strosse für d Laschter zue.
Dur Länzburg sölles fäge –
Das chunnt eus gar nid gläge.

Usverchauf bim Grossverteiler

Usverchauf i de Migros-Wält:
S Tafelsilber makes zu Gält.
Jetzt fehlts au no a Milch und Chäs –
Zum Glück bin i grad nid so gfräss.

Wenns Projekt im Torfäld verjährt,
Schänke mer im FCA de Mülimärt.

Verlottereti Hütte statt Neuboute

Odyssee und Illias –
Helde-Epe vo de Grieche.
Heimetschutz – e Heldetat?
Oder tuet er zvil versieche?

E Neubou wär agmässe. –
Doch das chasch grad vergässe.
S Hus, no Staub und Moos,
De Profässer findts famos.

Eusi Strosse sind saniert,
D Bushaltstelle ufpoliert.
Doch vill Hüser sind marod.
Zum Saniere ischs gli zspot.

Platz hani scho lang e kei –
Sie hange a jedem Stei:
Euse Heimetschutz seit nei
Zum neue Altstadt-Dihei.

D Zit vergoht,
S Hus zerfällt,
Projekt verhinderet –
Im Heimetschutz gfallts.

Wärbig für d Chischte

E Wärbefilm sölls richte
I de Länzbiger Chischte.
Me hofft, de Spot göi viral
Und bringi meh Personal.

S Zuchthus macht jetzt PR-Filmli,
Hoffetli nid allzu schlimli.



Zocker als Verlüerer

Als Gaming App User
Wirsch spöter zum Looser,
Wennd vor luter zocke,
D Bildig tuesch verbocke.

Brunnen

Sprüche geordnet nach Brunnen

Altersheimbrunnen

I hoff, im Miege sini himmlische Wälte
Tüend do nume symbolisch gälte.

Güggelbrunnen

De Güggel uf dem Brunne
Hett im Swiss Lotto gunne.
Er holt sech die Million
Und goht i d Früepension.

Moritzbrunnen

De Jugetfescht-Umzug isch en Hit,
Au de Max und de Moritz laufe mit.

(Thema: Jugendfestumzug an der
Rathausgasse)

Muschelbrunnen

Oh Jugetfescht, oh Jugetfescht,
Wie schön sind dini Chränzli.
Uf de Schützi, da isch s bescht,
Mache mer es Tänzli.

(Thema: Jugendfest ist schöner als
Weihnachten)

Römerwegbrunnen

De Drache wetti meh Peace,
Drum flügt er is Paradies.

(Thema: Drache im Paradies)

Sodbrunnen Ziegelacker

De Profässer wahrt d Kultur –
Doch Hüserliiche gits defür.

Spittelbrunnen

Mit dem wott ich euch dezue verlocke,
Au a Jugetfescht-Tisch äne z hocke.

(Thema: Jugendfest-Zmittag/-Znacht)

Steinbrüchliwegbrunnen

D Hero macht Schluss,
Ricola bringt früsche Chrütergnuss.